

臺灣文獻類編

臺灣先賢詩文集彙刊

五〇五

臺灣詩海

不分卷

【嘉義】賴子清 編

民國四十三年（一九五四）元月 編者自刊本

呂興昌 審訂
黃哲永 主編

龍文出版社 印行

國立中央圖書館出版品預行編目資料

臺灣詩海／賴子清編

--臺北縣板橋市：龍文，2006〔民95〕

面；公分。--（臺灣文獻類編．臺灣先賢詩文集彙刊．第五輯；7）

ISBN 957-2006-49-5(精裝)

831.9732

95008682

臺灣先賢詩文集彙刊 第五輯

7 臺灣詩海／賴子清編

審訂／呂興昌

主編／黃哲永

出版者／龍文出版社股份有限公司

發行人／周崑陽

地址／台北縣板橋市中正路341巷32號一樓

電話／02-22728092

傳真／02-22721670

登記證／局版台業第4167號

出版日期／2006年6月

定價／新臺幣15,000元 精裝20冊

ISBN／957-2006-49-5

總經銷／年豐企業有限公司

地址／台北縣深坑鄉北深路三段155巷19號10樓

電話／02-26641712

傳真／02-26621764

◎ 本書如有缺頁、破損、裝訂錯誤，請寄回本公司調換

臺
灣
詩
海

臺灣詩海

不分卷

〔嘉義〕賴子清編

民國四十三年元月自刊本

本書編者賴子清（一八九四—一九八八），號鶴洲，嘉義賴世觀廣文四子，日據時期旅居台北，任職報社，並曾遠赴香港辦報，回台後執教於北市商職，致力於教育文化工作，先後擔任省編譯館、省文獻委員會纂修。膺聘為嘉縣、嘉市文獻委員會顧問、中國文化學院台灣研究所理事。畢生與筆墨為伍，尤以地方文獻編纂居多，至於傳統詩學之編著，允推我台第一人，曾出版《臺灣詩醇》、《臺灣詩海》、《中華詩典》、《古今詩粹》、《臺海詩珠》等。

本書是賴氏光復後新編之台灣傳統詩選集，印行於一九五四年，距日治時期初編之《臺灣詩醇》已逾十九年，故能廣羅此時流寓之過江名士詩作，並因賴氏曾任職省文獻委員會，始有機緣大量哀集馬關條約前後諸騷人墨客吟咏佳作，是以大有功於詩教，亦為本書之一大特色也。

采石軒藏書

台灣詩海

于右任



影本小序

詩學日漸沉寂，以致出版界對詩壇前輩經常使用之詩作參考書不再印刷，而原收之書也因歲月水火之無情將成絕跡，讓有志學詩者，每苦於工具書之缺乏而挫然引退，使詩學之不振更形惡化。為此走訪詩壇碩彥，尋求絕版之善本影印，以資後進，以延詩脈。本書承蒙嘉邑名詩人兼藏書家黃哲永兄提供版本嘉惠詩壇，僅以短序獻上最高敬意。

1998.6.16 序於礪溪

楊龍潭

賈序

賴君子清。舊有臺灣詩醇之作。光復以後。擴而易之。以為臺灣詩海。此不唯時之不同也。卽舊名亦有待商榷者矣。清乾隆間。勅編唐宋詩醇。所謂醇者。以大家之著者為宗主。先以選家。再就家而選詩。故唐宋之盛。入選者祇李杜韓白蘇陸六家。蓋其嚴也。君原書先以分類。再就類以選詩。實異則名不宜同。更之自為有見。況擴充之轉益美備耶。至以海名選輯之業。明有王弱生之四六法海。清有黃太沖之明文海。彼皆以文為主。若施之於詩。則君其權輿也。張思光有言。玉以比德。海崇上善。能上善斯苞羅弘富矣。余觀集中三晉前輩之作。有不盡見於鄉邦文獻者。增我咫聞。起北望雲山之感。徵文兼考獻之用。豈非一舉而數善具哉。抑賴氏以文學世其家。君承庭訓。周旋師友間。鍥而不舍。以底於有成。集中所選。出其父祖者殆不鮮。繼志述事。書傳而人亦以傳。孝子之用心遠矣。固不獨鉛槧鈔撮之勤也。

中華民國第一癸巳十一月

沁水 賈景德

魏序

藏社吟友賴君子清。曩著臺灣詩醇。後更傍蒐廣米。著臺灣詩海。猶辭書中之有辭海。河伯東行不見水端。乃望洋而歎。海之於水。其不為量數也可知。侯官石遺陳先生衍。集所傳聞。所聞所見。刊行近代詩鈔。繼錢唐仲甫張先生應昌所輯清朝詩鐸。皆富於篇帙。蔚為巨觀。意君之詩海。與之鼎足而三。君號鶴洲。嘉義市人。祖時輝司馬。見義樂施。戴萬生之亂。以聯結團勇。守城有功。賞戴藍翎。五子皆蜚聲庠序。其四世觀先生士仰卽君之尊人。臺北府學歲貢。嘉人士所稱為東萊廣文者也。君幼受庭訓。博覽羣籍。長操觚臺灣日日新報。光復後應省編譯館省文獻委員會之聘。畢生以著述自任。所處之環境。又適於裒集。特注重馬關條約前後諸騷人墨客吟詠。蓋其詩多慷慨激昂。可歌可泣。民族之正氣。磅礴行間。又如臺人所崇奉之延平二王遺作。知之者絕少。則更可貴。並鄭重編入。是大有心於詩教也。爰濡毫而為之序。

魏清德

自序

余拙於詩，而喜讀古來臺灣鄉宦流寓科甲間人有關臺灣史地風物之佳作，既資研究臺灣事情，亦藉悉臺灣人物，三百多年來臺灣詩界，可分爲五個時期，各時期詩風遞變。（一）自明遺老沈光文少卿航海遇風漂至臺灣，海山阻隔，鬱鬱四十餘年，始創東吟社，至康熙五十一年臺廈道高拱乾、卅六年郁茂才永河、四十二年孫司馬元衡、六十一年初代巡臺御史黃叔瓚，相繼而來，各有詩文著作，足爲後代文獻取資，是爲創建時期。（二）繼而雍乾二朝，迭派巡臺使者，間有夏之芳、楊二酉、張湄、六居魯、范咸、錢琦，嘉慶間臺澎兵備道徐宗幹，暨其他鄉宦流寓之名著不少，時值海宇承平，文風丕振，可稱昌明時期。（三）道咸同光四朝名作家，如道光間臺灣兵備道周凱、進士蔡廷蘭、新竹林占梅、咸豐間陳肇興、陳維英、楊浚、劉家謀，同治間李泰階、周莘仲諸名孝廉，皆以詩鳴，光緒間詩人輩出，如巡撫劉銘傳、王開泰、唐景崧、知府羅大佑，暨何竟山、馬清樞、陳衍、何敬臣、李振唐、陳潛芝、陳望曾、施士洁、林紆、梁成枏、許南英、汪春源、林啓東、林鶴年、蔡國琳輩，尤其傑出者，其他不遑枚舉，允稱極盛時期。（四）乙未割臺，士子痛哭，發爲歌詠，如易順鼎、陳文騷、黃家鼎、張秉銓、陳鐵香、陳季同之哀臺灣諸作，靡不激昂慷慨，日據時代言不由衷，百無聊賴以詩鳴，全臺詩社簇出，維一線之光，此不過苟延時期。（五）光復後大陸詩人紛至沓來，亂離怨憤懷鄉復國之思，

發諸聲詩，固非正常之吟詠，然臺人驟得許多先達，互相切磋，此後或能竿頭日進，所慮現代推行白話教育，舊文學匿跡銷聲，欲得如清季全盛之爛熳時期，恐夢想不到，蓋科舉時代偏重文學，今則不然，而詩要實學，其氣骨風韻音調方能完整，非塗抹形骸便可了事也，所望大雅扶輪起衰，發揚光大，此爲策勵時期也。

上述（一）至（四）時期詩人著述，汗牛充棟，然多未付梓，或絕版湮沒不傳，或遭日吏禁壓不得公表，欲得先人吉光片羽，煞非容易，余於十九年前既編詩醇，惜名實未稱，茲又不揣固陋，弄斧班門，選編是書，略加注釋，意在保持文獻，以俟後人采風，拋磚引玉，冀高明匡所不逮，辛承舉國名流，愛護鞭撻，殺青既竟，蒙監察院長于公右任賜予題簽，考試院長賈公景德及瀛社詩社長魏清德兩先生序文，教育部長程公天放題字，施景琛、張昭芹、鍾伯毅、史鳳儒諸孝廉暨胡大使慶育、國防部鈕將軍先銘、八十三戛謝尊五詞長外全國名詩人數十家題詩，詩畫家陳定山先生惠題詩畫，惠川從兄題跋，柏舟宗人校讐，增光篇幅。自昨年蒐集以至編刊發行，辱承瀛社副社長李紹唐、詩友李神義、賴柏舟、吳維岳、李遂初、李建和、陳鐵厚、許藜堂、譚元徵、盧少白、林金標、王觀漁、王養源、曾今可、駱子珊、陳望遠、陳龍吟、高文淵、李德和、蔡錦棟、張清輝、楊嘯天、黃啓棠、莊少岳、吳萱草、鄭水龍、何箕斗暨其他諸先生格外關照，指導聲援，謹銘心版，特此誌謝。

中華民國第一甲午元旦

鶴洲 賴子清 序於探玄山館

題臺灣詩海

以接稿先後為序

騷壇旗鼓決雌雄。翹企唐虞日再中。早歲趨庭言有以。晚年浮海道非窮。求方風送蓬萊島。聞曲牆依少廣宮。差幸嚶鳴求友盛。銅琶齊唱大江東。舉人。八十二叟施景琛 鹿港

極羨珠璣成腹藁。大難鉛槧解腰纏。千秋事業歸詩卷。文字誰云不值錢。

珠遺滄海賴編修。宋艷班香盡拔尤。百鍊錘爐經鑄造。連篇錦繡擅清遒。才華江左雕龍手。韻事瀛南吐鳳儔。萬選青錢梨棗後。雞林價重自千秋。蘇社顧問 八十三叟 故謝尊五 臺北

當日延平盟赤嵌。鯤身卽已屬吾華。且因吾道其南喜。莫作鵑聲自北嗟。大將偶還諧競

病。騷人幾復怯尖叉。兩間正氣歸詩卷。何慮收京不早耶。駐阿根廷國大使 胡慶育 廣東

別裁初意擬歸愚。搜討誰知遍海隅。人自千金珍敝帚。書將一網盡遺珠。謠風繼代追東

社。詞賦當時貴洛都。三百餘年鄒魯地。斐然逸韻此中俱。朴雅吟社社員 楊嘯天 朴子

斯庵竄海隅。晚結束吟社。流風三百載。霑被逮來者。此邦多君子。諷詠連棟瓦。篇什浩烟

海。萬派爭同瀉。賴君涉洪濤。舟楫幸能假。溯自肩吾始。仍沿沈新趙行 鹿趙鹿可下。聲名盡軒冕。

遺逸訪巖野。豈僅觀島風。庶幾補臺雅。當世述作賢。感歎茲士寡。揀選滿坊間。徒供一笑

啞。

立法委員 彭醇士 江西

(倒聲)嗟余本蕭肥。年來近啞啞。子雲寂寞人。寧謂眞賞寡。海角揚聲詩。中原墮風雅。誰

言王迹微。西征始荒野。自非尋常鳴。抑在朱絃下。結撰何精深。玉尺不可假。賴子游夏徒。千詩供刪瀉。潛志想甄陶。羣冊粲列瓦。浩然江海成。栖栖懷歸者。依稀千載上。桐花啓吟社。

書畫詞章家 陳定山 浙江

抑鬱騷懷藉筆鳴。吟壇林立遍南瀛。六經以外存風雅。七律之中樹正聲。散佚難資文獻考。搜羅端費苦心成。他年民國修詩史。應記詩人賴子清。

麗澤吟社顧問 許藜堂 嘉義

詩史千秋孰與儔。先生纂述繼前修。瑤章動向崑岡採。麗藻都歸珊瑚收。臺海文光分左海。南州雅化溯中州。選樓珍重芸編在。合有輶軒使者求。省立成功中學教員 林杏蓀 福州風雅扶持見着鞭。著書閉戶事千年。窮搜今古騷人句。留證蓬萊舊日緣。早識姓名經勝迹。如同儕侶展新篇。客懷寥寂愁難已。披手狂吟一惘然。

書畫金石家 陶芸樓 浙江

二十年前舊石渠。采風搜遍壁中書。而今又結珊瑚網。不讓驪珠領下餘。

歷任駐外領事及商專教授 張 相 江西

千首新詩綴汴渠。窗前明月枕前書。青錢乙乙胡繩索。等是牙籤萬軸餘。

振藻揚葩足擅場。感時小隱水雲鄉。品題郢曲揮金管。收拾元音入縹囊。吟向蓬壺秋漱澗。光分藜杖夜輝煌。雅堂詩乘君詩海。一樣長留百世芳。

宜蘭縣長 盧繼祥 頭城

珠遺滄海賴搜尋。選纂成編費錦心。東社以還存雅頌。斐亭而後此元音。措辭蘊藉鳴天

籟。闢卻鏗鏘擲地金。鯤鳥得資文獻考。居然聲價重雞林。

羅山吟社社員 蔡如生 布發

秋逝蕉窗戒暮寒。心沉詩海戀河瀾。問調綠綺羣音協。不問紅桑幾度殘。熬盡肺肝餘墨

瀉。縮將天地入彈丸。書成恐有神魂泣。我正危襟坐夜闌。歷任縣長、詞章家 譚元徵 湖南

采風新帙踵連先。

連雅堂先生有臺灣詩乘

萬紙行看過僑員。集錄中州存野史。詩傳湖海萃時賢。雞林爭

換名齊重。蠹簡勤蒐意獨專。不負選樓揚屹盛。他年應有太鴻箋。

教育部主任秘書

陳南士 江西

彌天無處着吟身。誰道餘生寄水濱。三百年間一彈指。夜涼鹽海月如銀。

行政院簡任秘書 李漁叔 湖南

常年箝口爲仇讐。畧算吟人得自由。風雨雲雷齊着力。共扶元氣向神州。披卷琳琅萃古今。鯤瀛文物任搜尋。扶輪大雅千秋業。砥柱中流一片心。

延平詩社社員 陳龍吟 臺南

錦繡河山留氣魄。婆娑滄海響元音。天教賴子羅珊瑚。未忍珠璣付劫沉。

風騷健者古誰宗。輟采辛勞徧鄉鄰。百道精芒爭奪日。是何雄傑態蔥蘢。

菸酒公賣局秘書 何武公 湖南

詩海新編賴鶴洲。詞林開拓孰堪儔。好教名字傳今古。不憚精神付校讐。玉韞珠藏咸博采。蠹封蛭露亦宏搜。卷成璀璨皆心血。披讀鏗然韻獨悠。

南陔吟社社員 吳醉蓮 南投

一帆輕泛海婆娑。燦爛珊瑚枝任網羅。回憶毘耶三百載。輝增文獻此編多。

玉峯吟社社長 王殿沅 嘉義

奇絕瀛洲道不窮。俠儒馳騁夕陽紅。呂詩應運無今古。海市光歸按指中。

光緒壬寅舉人。行政院設計委員。鍾伯毅 湖南

照臨日月復金甌。忠愛堂堂掃暮愁。幾卷風騷盟息壤。涵芬千萬鬱高樓。

倭客沉淪海日邊。忽聞傳海有詩傳。殺青留取三千牘。名世期同五百年。終古精靈歸點

筆。乘天波浪好連船。從知願學王青浦。湖海相望是續綸。舉人。八十一叟張昭芹廣東樂昌人

廣東
樂昌

化俗先民闢草萊。詩壇幾輩出羣材。玉峯雲態移時變。鯢水濤聲震耳來。代有珠篇遺大

海。廣搜文獻遍三臺。勞君故紙叢堆裏。鈎得珊瑚一網開。臨時省議會議員 陳逢源 臺南

星分牛女月婆婆。瀛海珠璣儘網羅。季札觀風論治亂。光文摛藻紀山河。感時鳴比三唐

盛。數典窮探兩漢多。片羽足當民族史。樽前倚劍且高歌。

濟社總幹事 張鶴年 基隆

三百年來大雅準。珊瑚鐵網出詞源。雞林聲價無雙璧。鯤島珠璣燦一門。費盡搜羅丹九

轉。災成梨棗卷長存。烈人珍秘皆心血。絕業名山劫後尊。

詩人血脈賴君延。天地長存氣浩然。範水模山羅滿幅。敲金戛玉疊成篇。騷壇重見三都

賦。藝苑爭誇萬選錢。最是琳琅梨棗後。洛陽紙貴又宣傳。

琅環吟社社長 吳萱草 將軍

珠璣珍重檢遺章。以海涵詩慎計量。史地有關堪畢載。豪澎無涉不輕揚。先民手澤生難泯。烈士胸懷死愈光。三百年間多少事。未甘奴化感滄桑。

南陔吟社社長 吳維岳 南投

規餘文字費蒐尋。瀛島清流自古今。姓字可編高士傳。詩歌如聽越人吟。新桑海上三回見。皂帽遼東一往心。他日中興庶雅頌。同遊江漢續題襟。

南陔吟社社員 張達修 竹山

盛世庶歌命不猶。河山破碎得吟儔。獨操玉尺存王迹。誰起金臺助選樓。幾輩誓完猿鶴志。非時喜傍鳳麟遊。詩人血淚分明在。未許輕看海一漚。

附生。京師大學堂畢業。學部奏獎舉人

史鳳儒 河北

鐵網珊瑚入選纔。黃河一曲自天來。佳篇別出詩壇外。塵世真逢笑口開。故國關懷惟善禱。江南回首總堪哀。何期流寓臺灣島。盡識衙官屈宋才。

底事鯤瀛失霸才。一編心血動風雷。千秋絕調留新詠。半壁雄懷選別裁。脫手已超胎外相。燃鬚重撥劫餘灰。秘藏詩史天毋吝。合頌元音繼福臺。

寶桑吟社顧問 王養源 鹿港

風雅真能化衆頑。中興人物萃臺灣。韓蘇名在公侯上。李杜才推伯仲間。總爲斯文延一線。敢誇佳句寫三山。已無滄海遺珠憾。展卷同窺豹隱斑。

省政府顧問 瀛社副社長

李建興 瑞芳

知已難逢學海深。高山流水感牙琴。文章自是千秋業。披揀纔成百鍊金。巖谷沉沉生虎嘯。滄溟瀟瀟老龍吟。賴君一網珊瑚盡。嘉惠詞場巧繡鍼。

生員。老著作家 陸文饒 湖南臨湘

東瀛撒網輯遺珠。滿目琳琅信可娛。郢治文章推漢晉。庭歌載詠起唐虞。千秋韻事留鴻雪。一代元音競步趨。好似尾閭深莫測。派流何必論韓蘇。

奎山吟社社長 陳望遠 瑞芳

當年紙貴憶詩醇。歷選明時例自新。案牘千圖充爾備。燃犀諸寶赫然陳。句唯漫與吾垂老。學必精研子益純。匡復業成堪佐史。瀛壖長待采風人。

省文獻委員會
副主任委員
林熊祥 臺北

詩醇舊輯克風行。詩海新編喜又成。數罟不殊漁竭澤。遺珠且自價連城。雅懷沈老今猶是。正氣延平久益明。一樣東寧千載業。堂堂題詠幾儒生。

省文獻委
員會編纂
黃水沛 臺北

鄭氏開來舊國荒。江山如此不尋常。三臺故事傳鄒魯。一島風騷繼漢唐。文字有靈經浩劫。驪珠何意出重洋。獨憑巨眼窮探討。無限縑囊發古香。

興賢吟社社長
黃溥造 員林

海東佳氣鬱葱葱。詩在蠻煙蠻雨中。大木揮戈開霸業。牡丹留社泣春江。

唐中丞偁
牡丹詩社

桑田幾

變逢今日。藝苑千秋待至公。入海求珠功不細。感君思與緯蕭同。

光緒已酉拔貢
陳含光 江都

(和韻)四時生意自青葱。底事埋頭故紙中。夢裏今人看古月。眼前嫩綠鬪新紅。篇藏俗字原難免。海有遺珠未易公。詩選甫成詩海繼。途殊或可得歸同。

省文獻委員會主任秘書
曾今可 江西

花光海氣劫餘春。蒼萃吟篇筆有神。孤島煙雲明大業。百年血淚漢遺民。斐亭鐘曉風流健。蓮社詩傳格調新。樽酒不堪頻憶遠。河山嘯傲幾騷人。

讀我書社社長
郭茂松 新竹

摺撫叢殘耐閉關。驚看秀句出瀛寰。成裘已費狐千腋。窺管何妨豹一斑。却恐明珠遺碧海。要令^{聲平}片羽致丹山。藝林他日資沾溉。此卷堂堂未可刪。

考試院參事
成惕軒 湖北

青錢萬選責非輕。筆健如椽擅賦京。陸海潘江歸準尺。周璜趙璧任權衡。辛勤皮裏陽秋